

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 1010 del 13/04/2023**

**Traduzione in cimbrio**

## **Etnografege musee ågenump di regln z'soina darkhennt**

**Da provintziàl DJunta, hatt ågenump “Di regln zo maga soin darkhennt azpe etnografege musee”, regln boda soin khent vürgelekk von asesór vor di istrutziung, universitét un kultùr Mirko Bisesti. “A bichtegar tritt – hatta khött dar asesór – boda ågeat in groaz schatz von Trentino boda gitt vèrt dar stòrdja, dar identitét un dar kultùr von lentar un helft nå zo halta lente di kamöüschaft pitt initsiativan un dienst un pezzart di lentar saiz vor berdada lebet saiz vor berdase zornìrt vor soin urlaub”.**

Di etnografege musee, boda hãm ’z zil hizohalta un zo geba vèrt allz in sèll boda ågeat dar kultùr von lentar, åhevante von folk traditziungen, un vür pinn dialèkte un pinn gebizza boda hãm di laüt von lentar übar dar arbat vodar earde un von stèll, haltante kunt übarhaup von sèll sistèm zo redjra pittnàndar ’z geplèttra boda gehöart alln, un darzuar o di folk rituèll un di musik; allz ditza, vor nummar un qualitét iz a bichtega kulturàl opfar boda gitt ünsar Provìntz. In di lentar augelekk, di mearastn vert lai vo laüt, khnöpf un feroine, dise musee soin häüt a bichtega okasiong zo maga gem vèrt in folk traditziungen, zo lega panàndar di laüt un zo macha schual.

Afte etnografege musee soindase sa gehaltet mearare öffentlesche trèff boda hãm gezoaget in bichtege ruòl boda hãm di feroine vor dise musee; åndre trèff bartnse haltn in di månat boda khemmen.

Khlummane musee, sãmmelung, etnografege plèt看 azpe müln, smittheartn, sang, kasèlln, khalgruam soin khent geroatet ’z djar 2022 von Amt vor da etnografege nèt看 vodar autonome Provìntz vo Tria. Åhevante von sèll boda auvarizkhent vo disarn roatom izta khent auzgemacht baz ’z bildada soin zo maga khemmen inngeschribet in roatordnung von etnografege musee vodar Provìntz. Dòpo zo haba ågenump di regln, bartnda khemmen augenump di vorsch innozschraibase in roatordnung boda bartn khemmen inngètt sèlbart von etnografegen musee von lentar un von sèlln boda mang soin interesàrt. Spetar pittnar auzschraibung bartma mang åvorsan ’z gèlt boda iz mångl – 100.000 euro in gântzan vor aniaglaz djar 2023 un 2024 – auzohalta di etnografege musee.

**Übarsetzt von Schaltarle vor di zung von Toalkamou vodar Zimbar Hoachebene**

(cdt)